



ASTEASUKO UDALA
(GIPUZKOA)

**JON GIL BELTZA JAUNAK, ZUZENBIDEAN LIZENTZIADUNA, ASTEASUKO
UDALEKO BITARTEKO IDAZKARI-KONTUHARTZAILEAK,**

ZIURTATZEN DU:

AFaren 206 atalaren salbuespenarekin: Udalbatzak, 2023ko urriaren 24ko bilkuran, beste gai batzuren artean, ondorengo erabakia hartu zuela:

Laguntza eta kalte-ordainei dagozkien ordainketen araubidea aldatzea.

2023ko ekainaren 17an eginiko aparteko bilkuran Udalbatza berria osatu zenez, eta apirilaren 7ko Euskadiko Toki Erakundeei buruzko 2/2016 Legearen 32 artikuluan jasotakoarekin bat, arduraldi eskusiboa edo partziala ez duten toki-erakundeko kideek bakarrik kobratu ahal izango dute bertaratzeengatik. Horrekin, karguari dagozkion kide anitzeko organoetara, bileretara edo jardueretara benetan joatea ordainduko da, eta ordezkari-taldea-karguaren erantzukizunarekin lotutako eginkizunak. Osoko bilkurak zehaztuko ditu korporazioko kide bakoitzak urtean gehienez ere zenbat jaso ahal izango duen bertaratzeengatik. Halaber, aipatutako 2/2016 Legearen 34 artikuluan jasotakoarekin bat, Udal-talde politikoek diru-sariak jasotzeko eskubidea izango dute; sari bat finkoa eta berdina izango da talde guztientzat, eta bestea, aldakorra, ordezkari kopuruen arabera, ordezkari horiek esleitu zaizkien eginkizunak duintasunez burutu ahal izateko. Osoko bilkurak finkatuko ditu ordainsari horiek ezartzeko eta esleitzeko irizpideak.

Talde politikoak Udalbatzako lehendakariari zuzendutako idazki baten bidez eratu dira, Udalbatza osatu nahi duten kideek sinatuta. Idazki horretan, taldeko kide izateko borondatea, izena eta bozeramailearen eta, hala badagokio, hura ordeztu dezakeenaren izena adieraziko dira (ETELen 34.5 artikulua). Horrekin lotuta, 2023/07/11an aurkeztutako idatzien bidez Udal Talde hauek eratu direla jakinarazi zitzaion Udalbatzako lehendakariari:

- Sarrera zenbakia: 670
ASTEASUKO EAJ-PNV Udal Taldea
Kideak: Aitziber Egaña Callejo
Ordezkari eta bozeramailea: Aitziber Egaña Callejo
- Sarrera zenbakia: 672

ASTEASU BATUZ Udal Taldea

Kideak: Maria Pilar Legarra Cortajarena, Larraitz Alkorta Aizpurua, Pedro Maria Izagirre Sarasola, Aitor Usandizaga Izaguirre, Amaia Agirre Arrastoa, Xabier Roteta Erkizia, Iosu Arrikarte Otegui, Iosu Omeñaca Alcorta
Ordezkarari eta Bozeraileak: Maria Pilar Legarra Cortajarena

Hala, Udalbatzak, 2023ko uztailaren 11ko bilkuran, erabaki zuen Asteasuko Udaleko 2023 urteari dagokion Aurrekontua Gauzatzeko Arauaren 10.2 artikuluan jasotako kopuruak mantentzea. Dena den, Alkate andreak jakinarazi zuen aipatu kopuruak eguneratzeko proposamena egingo zuela laster, izan ere, horiek ez dira berrikusi 2011 urtetik aurrera, eta hori egiteko aurretik Udal Aurrekontu Orokorretan beharrezko kopurua txertatu behar zelako.

Jarraian, uztailaren 28ko 2023/230 Alkatetza Dekretuaren bidez, Udal honen aurrekontuko kredituak aldatzeko espedientea onartu zen (Kreditu Aldaketa 2023/05, kreditu gehigarrien modalitatekoa) eta, besteak beste, 1 0000.231.912.00.01 2023 aurrekontu-aplikazioa gehitu egin zen.

Amaitzeko, Alkate andreak 2023ko urriaren 16an proposamena egin du, aurrekontua Gauzatzeko Arauaren 10.2 artikuluan jasotako kopuruak aldatzeko.

Ogasuna, Kontu Bereziak eta Administrazioa Informazio Batzordeak aurretik irizpena eman du.

Beraz, Udalbatzak,

ERABAKIA HARTU DU

BAKARRA. 2023 urteari dagokion Aurrekontua Gauzatzeko Arauaren 10.2 artikuluan jasotako kopuruak aldatzea eta, bere ondorioz, Udal-talde politikoen diru-sariak, arduraldi eskusiboa edo partziala ez duten toki-erakundeko kideek izango dituzten bertaratzeak, eta toki-erakundeetako kideek beren karguak betetzean benetan egindako gastuen kalte-ordain hauek onestea:

- Udal-talde politiko bakoitzari dagokion diru-kopurua: alde batetik kopuru finkoa jasoko dute: 150,00 euro hileko; eta bestalde, kopuru aldakorra: 50,00 euro hautetsi bakoitzarengatik.
- Beren karguak dedikazio eskusibo edo partzialez betetzen ez dituzten udalbazkideentzat erabakitako ordainsariak, eta osoko bilkuretan, indemnizazio gisara erabakitako kopuruak hauek dira:
 - Batzorde Informatzaileetako lehendakariak: 300,00€/hilero.
 - Zinegotziak: 50,00€ Osoko Bilkuran parte hartzeagatik.



ASTEASUKO UDALA
(GIPUZKOA)

- Gehienezko kopuruak:
 - Informazio - Batzordeetako Lehendakariak, hilabeteko gehienez 300,00 euro gordin.
 - Gainontzeko Zinegotziek, hilabeteko gehienez 50,00 euro gordin.

Eta horrela jasota gera dadin, eta behar Y para que así conste, y surta los efectos diren ondorioetarako, honako ziurtagiria oportunos expido la presente, con el visto luzatzen dut, Alkate Andrearen bueno de la Sra. Alcaldesa, en Asteasu. oniritziarekin, Asteasun.

O.I. / VºBº ALKATE ANDREAK / LA ALCALDESA

Lege Zaharren Enparantza, z/g, 20159 ASTEASU (Gipuzkoa) / Tel.: 943 69 19 07 / Fax: 943 69 31 06 / e-mail: udala@asteasu.eus

Egiaztapen Kode Segurua/Código Seguro de Verificación: **SINAa86f3689-9b39-415b-a0aa-e953dad56505**

Dokumentu elektroniko honen paperezko kopiaren osotasuna eta sinadura egiaztatzeko, sar ezazu egiaztapen kode segurua egoitza elektronikoan:

<https://uzt.gipuzkoa.eus?De=01410>

Compruebe la integridad y firma de la copia en papel de este documento electrónico, introduciendo el código seguro de verificación en la sede electrónica: <https://uzt.gipuzkoa.eus?De=01410>



Sinaduren laburpena / Resumen de firmas

Titulua / Título:

Ziurtagiria Kalte ordainak aldaketa

CSV/EKS:

SINAA86f3689-9b39-415b-a0aa-e953dad56505